



4306
16-2266
3493

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2266/21
Sarajevo, 24.11.2021. godine

SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine

PREDMET: Zastupnička inicijativa zastupnice Jasmine Bišćević Tokić,
Informacija, dostavlja se.-

VEZA: Vaš akt broj: 01-04-25258-27/21 od 09.07.2021. godine

Shodno članu 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj 40/2 – Prečišćeni tekst), u prilogu Vam dostavljamo predmetnu informaciju, vezano za Vaš akt broj i datum veze.

S poštovanjem,

ŠEF UREDA

Erduan Katedžić



Priloga: 1

Dostaviti:

1. Naslovu;
2. a/a.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2266/21

Sarajevo, 24.11.2021. godine

SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine

PREDMET: Zastupnička inicijativa zastupnice Jasmine Bišćević Tokić,
Informacija, dostavlja se.-

VEZA: Vaš akt broj: 01-04-25258-27/21 od 09.07.2021. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo-Prečišćeni tekst ("Službene novine Kantona Sarajevo", broj 40/20) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Ured je dana 16.07.2021. godine zaprimio zastupničko pitanje zastupnice u Skupštini Kantona Sarajevo, Jasmine Bišćević – Tokić, u kojem je navedeno da je Ministar zdravstva Kantona Sarajevo Haris Vranić na sjednici Skupštine Kantona Sarajevo izjavio da ima zaključen ugovor o angažmanu o radu sa Opštom bolnicom jednom sedmično, kada operiše pacijente. Zastupnica je tražila da joj se dostavi informacija o tome kakav ugovor ima potpisan ministar Vranić. Da li se radi o ugovoru o radu, ugovoru o djelu, ugovoru o privremenim i povremenim poslovima, koliki iznos sredstava je do sada isplaćen na ime ugovora ministru Vraniću i koliko je pacijenata operisao ministar Vranić od kada je postao ministar.

S tim u vezi, Ured se obratio Kantonalnoj upravi za inspeksijske poslove Kantona Sarajevo sa zahtjevom za dostavu informacija i okolnosti uočenih tokom vršenja inspeksijskog nadzora nad predmetnom ustanovom na navedene okolnosti.

Iz informacije koja je dostavljena Uredu od strane Kantonalne uprave za inspeksijske poslove Kantona Sarajevo proizilazi da su na okolnosti iz zastupničkog pitanja vršeni usmjereni inspeksijski nadzori iz oblasti Inspektorata rada, zaštite na radu i socijalne zaštite, Inspektorata sanitarne, zdravstvene i farmaceutske inspekcije i inspekcije za hranu, te je utvrđeno sljedeće.

Haris Vranić je nakon provođenja konkursne procedure dana 01.08.2020. godine zaključio ugovor o radu na neodređeno vrijeme na poslovima ljekara vaskularne hirurgije sa nepunim radnim vremenom od 35 sati sedmično, sa kojim datumom je izvršena i prijava osiguranja. Nakon toga, Haris Vranić je dana 30.12.2020. godine podnio poslodavcu tj. Općoj bolnici „Prim. Dr. Abdulah Nakaš“ zahtjev za neplaćeno odsustvo, iz razloga što je imenovan na poziciju Ministra zdravstva u Vladi Kantona Sarajevo. Shodno tome, poslodavac je donio rješenje kojim se imenovanom



odobrava pravo na neplaćeno odsustvo do isteka mandata na funkciji ministra zdravstva Kantona Sarajevo, a što je u skladu sa Pravilnikom o unutrašnjoj organizaciji i sistematizaciji radnih mjesta u JU Opća bolnica „Prim. dr. Abdulah Nakaš“.

Dalje je navedeno da je između Harisa Vranića kao savjetnika i Opće bolnice kao naručioca zaključen ugovor o savjetodavnim i drugim uslugama u kojem je definisano da će savjetnik odnosno Haris Vranić obavljati specijalističke usluge u oblasti opće i vaskularne hirurgije, bez naknade tj. da će njegov angažman u Općoj bolnici biti besplatan.

Vezano za upit koji se odnosi na broj pacijenata koje je Haris Vranić operisao od momenta preuzimanja funkcije ministra zdravstva Kantona Sarajevu, u inspekcijskom nalazu je navedeno da se radi o jednom pacijentu, a operativni zahvat je obavljen 06.01.2021. godine.

U informaciji Kantonalne uprave za inspekcijske poslove navedeno je da će postupajući inspektor djelovati upravnom mjerom upozorenje, kojom se poslodavcu skreće pažnja da nije u skladu sa Zakonom o radu te sa kolektivnim ugovorom o pravima i obavezama poslodavca i radnika u djelatnosti radnika medicine i stomatologije angažovanje radnika po bilo kojem drugom osnovu, osim zaključivanja ugovora o radu.

Pravilnikom o unutrašnjoj organizaciji i sistematizaciji radnih mjesta u JU Opća bolnica „Prim.dr. Abdulah Nakaš“ u članu 60. propisano je da se radniku na njegov pismeni i obrazloženi zahtjev može odobriti odsustvo bez naknade plaće, između ostalog i zbog imenovanja radnika na funkcije izvršne vlasti. Za vrijeme trajanja neplaćenog odsustva, prava i obaveze iz radnog odnosa miruju, pa samim tim nije predviđena mogućnost zaključenja drugih ugovora na osnovu kojih ugovorne strane stiču određena prava i obaveze, posebno uzimajući u obzir činjenicu da se shodno Zakonu o radu Federacije Bosne i Hercegovine radni odnos zasniva isključivo na osnovu ugovora o radu na određeno i neodređeno vrijeme. U članu 3. Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo, također je propisano da se radni odnos zasniva isključivo na osnovu ugovora o radu.

Uzimajući u obzir naprijed navedeno Ured smatra da je potrebno ispoštovati član 4. Zakona o radu F BiH kao i član 3. Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na području Kantona Sarajevo, **pa samim tim, a dovodeći u vezu i tumačeći odredbe naprijed navedenog Zakona, Kolektivnog ugovora i Pravilnika smatramo da je potrebno staviti van snage ugovor o savjetodavnim i drugim uslugama zaključen između JU Opća bolnica „Prim. dr. Abdulah Nakaš“ Sarajevo kao poslodavca i radnika dr. Harisa Vranića, jer dr. Haris Vranić već ima zaključen ugovor o radu sa istim poslodavcem na osnovu kojeg je i podnio zahtjev za neplaćeno odsustvo, kako bi mogao obavljati funkciju Ministra zdravstva Kantona Sarajevo.**

S tim u vezi, a u cilju prevencije korupcije i nastanka koruptivnih rizika, Ured će uputiti dopis JU Opća bolnica „Prim. dr. Abdulah Nakaš“ Sarajevo sa preporukom da se ubuduće u istim ili sličnim situacijama pravilno primjenjuju Zakon o radu F BiH, Kolektivni ugovor o pravima i obavezama poslodavaca i radnika u djelatnosti doktora medicine i stomatologije na području Kantona Sarajevo te Pravilnik o unutrašnjoj organizaciji i sistematizaciji radnih mjesta u JU Opća bolnica „Prim. dr. Abdulah Nakaš“.

S poštovanjem,



ŠEF UREDA

Erduan Kafedžić

Dostaviti:

1. Naslovu;
2. a/a.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217

Sarajevo, Reisa Džemaludina Čauševića 1

